




Ս. ԾՆՆԴՅԱՆ ՏՈՆԸ ՄԱՅՐ ԱԹՈՌՈՒՄ

Հունվարի 5-ին, չորեքշաբթի. «Ծրագալոյց Ծննդեան եւ Աստուածայայտնութեան Տաւուն մերոյ Յիսուսի Քրիստոսի»: Երեկոյան ժամը 16-ին Մայր տաճարում կատարվում է Ծրագալոյցի ավանդական ժամերգութիւն, որի ընթացքում կարդացվում են, ըստ Ճաշոցի, օրվա խորհուրդը նշող աստվածաշնչական ընթերցումները: Հոգևոր անմարանի ուսանողները եկեղեցու բնակից ընթերցում են «Դանկիլի գիրքը»:

Օրվա պատարագին էր վրահալոց թեմի առաջնորդ տ. Գևորգ եպս. Սերապարյանը: Ս. պատարագին ներկա էր Վեհափառ Հայրապետը:

Ս. պատարագից հետո, Վեհափառ Հայրապետի նախագահությամբ, կատարվում է Ծննդյան նախատոնակ: Մայր տաճարում հնչում է Ծննդյան հրաշալի շարականը՝ «Խորհուրդ մեծ»: Հավարտ Ծննդյան նախատոնակի Վեհափառ Հայրապետն առաջնորդվում է Վեհարան, իսկ միաբանության անդամները և անմարանի ուսանողները՝ միաբանական սեղանատուն, որ Ավետարանի ընթերցմամբ ու աղոթքով օրհնվում են Մայր Աթոռի աղն ու հացը:

Ապա ներկաները ուրախ արտով վայելում են նավակատիքի ավանդական ընթերցւք:

Հունվարի 6-ին, հինգշաբթի. «Տօն Ծննդեան և Աստուածայայտնութեան Տաւուն մերոյ Յիսուսի Քրիստոսի»:

Օրվա մեծ տոնի առիթով Մայր տաճարում ս. պատարագ է մատուցում տ. Արսեն եպս. Բերբերյանը: Մայր տաճարը լիքն է հավատացյալների հոծ բազմությամբ: Պատարագին ներկա են տեր և տիկին Նահապետ Նահապետյանները՝ Բուենոս-Այրեսից, հայտնի երգահան-երաժիշտ Լորիս Շգևավորյանը՝ Լոնդոնից, և այլ հրավիրյալներ:

«Հայր մեր»-ից առաջ Վեհափառ Հայրապետը առաջնորդվում է Ավագ սեղան՝ շնորհավորելու ողջ հայության Նոր տարին և ս. Ծննդյան տոնը, և այս պարոգում է օրվա մեծ խորհրդի նշանակության մասին: Սույն պարոգը երեկոյան ժամը 23-ին ձայնավորվում է Երևանի ուղիովայանից արտասահմանյան հաղորդումների ժամանակ: Հայրապետական սույն պարոգը հրատարակվել է «Էջմիածին» ամսագրի այս համարում (էջ 3):

Վեհափառ Հայրապետն այնուհետև Մայր տաճարում նախագահում է Զորհնչյաց հանդիսությանը: Տաճարում հնչում են «Քրիստոս ծնաւ և յայտնեցաւ», ինչպես նաև «Այսօր ծայնն հայրական», «Ով զարմանալի» երգերը: Ս. պատարագի երգեցողությանն իր սրտագին մասնակցությունն է բերում նաև անվանի երգչուհի Գոհար Գասպարյանը՝ ս. պատարագի մի շարք երգերի մենակատարումով:

Ս. պատարագից հետո Վեհափառ Հայրապետն առաջնորդվում է Վեհարան, ուր ընդունում է շնորհավորանքներ ս. Ծննդյան տոնի առթիվ: Այստեղ ներկա էին ՀՍՍՀ Միհիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը, տեղակալ Անդրանիկ Հասարայանը, Գերագույն հոգևոր խորհրդի անդամները, արտասահմանյան ուխտավորները և այլ պաշտոնական անձինք:

Ժամը 15-ին Վեհարանի սեղանատանը, ս. Ծննդյան տոնի առթիվ, տրվում է ճաշկերույթ, որին ներկա էին տ. Կոմիտաս, տ. Արսեն, տ. Գևորգ սրբազանները, Գերագույն հոգևոր խորհրդի անդամ դոկտ.-պրոֆ. Սարգիս Մելիքսեյանը, տեր և տիկին Նահապետ Նահապետյանները, Լորիս Ծգնավորյանը, Գոհար Գասպարյանը, դոկտ.-պրոֆ. Ռոբերտ Աթայանը, Մայր Աթոռի պատասխանատու աշխատողները և այլ հրավիրյալներ:

Ծաշկերույթին ներկա էին նաև Սարգիս Գասպարյանն ու Անդրանիկ Հասարայանը: Ծաշկերույթի ընթացքում բարիգալստյան և շնորհավորական ջերմ ճառեր են փոխանակում Վեհափառ Հայրապետը, Սարգիս Գասպարյանը, Նահապետ Նահապետյանը և Լորիս Ծգնավորյանը:

Ս. Ծննդյան ճաշկերույթն ավարտվում է Վեհափառ Հայրապետի գոհաբանական աղոթքով:

